

BRICK, EDI NNYANYAÑA IDUHE

Exodus 5:1-23

QYQH QKPEP-ŊKPQ 50

Eke Mkpawara

IKQ IBUOT: “Ediwak ukut esim eti owo; edi Jehovah osio enye ke mmq kpukpru” (Psalm 34:19).

Ido Ukpono-Ndem Nditọ Egypt

Moses ye Aaron ema enyene iberedem eto nditọ Israel, edi mmq ekesuk enyene ndida ke iso Pharaoh ye oyohọ ifiok ete ke enye eyesin ebeñe mmq. Edieke mmq mikpofioke ite ke Abasi odu ye mmq, ndusuk mmq ikpenyeneke uko ndida ke iso okpono-ndem edidem oro, mbeñe ete enye ayak ediwak owo emi enye ekesinde ke ufin, ewoñọ eka ke akai-ikot man ekekpono Abasi emi enye mikpofioke baba ñkpọ kiet ibaña.

Mbon emi edokde ison eyom mbuk eset ekut mme ñkpọ ke Egypt emi osonode ete ke ñkpọ nte mme abasi, emi misuhokede ke ibat ikan 2,200, ke nditọ Egypt ekekpono. Edieke Pharaoh ekenyenede utọ ediwak abasi ntem, nso ikpanam enye akpañ uton onọ Abasi mme ifin esie? Edi nnyin iyekut ite ke mbemiso Abasi okokure ye Pharaoh, enye ama oduok mbuotidem ke kpukpru mme abasi esie.

Enam Ufik Qson Akan

Ofuri udon Pharaoh ekedi ndinam nditọ Hebrew enam okposon utom ke ikpikpu. Nditọ Abasi ekesibo ekpri se edade edu uwem kpot, okposuk edi nte mmq ekenyenede ndinam ata okposon utom. Ke ini Moses ye Aaron ebeñede ete enọ mmq usen ifañ ete eka ke akai-ikot etetuak ibuot enọ Abasi, Pharaoh odohọ ete, ke oto koro mmq minyeneke ediwak se enamde esin mmq enyene ini ndikere mbaña mme ikpikpu ñkpọ nte edifop uwa. Ebeñe oro ama ayat enye esit eti-eti, ndien utu ke ndinọ mmq nduok-odudu, enye ototim anam utom okpon akan nte ekesidide. Enye ikonohọ mmq nnyanyaña ndida nnam brick aba, edi eketik mmq ete enam ukem-ukem ibat nte mmq ekesinamde ke akpa. Enye ekekere ete, ke idak ata okposon ufik ntre, enye ekeme ndisuhore udon mmq ndikere ñkpọ efen.

Enyene mme andikara emi esonde ido ke eyo nnyin, emi ekerede ete, mmimọ imekeme ndinam kpasuk ntre. Ke ndusuk idut mme ifin eduñọ ke ata ndedehe ebiet, ndien ekama mmq odiok ekan nte nnyin ikpakamade ufene nnyin. Mmọ inaha enyene baba ekikere idem mmq. Edi Abasi esin ukpon ke owo, ndien idighe nte ekemede ndibiat uduot esie. Udon odu ke esit owo abaña mme ñkpọ emi efonde ekan; ndien, ke ini ifet odude, enye eyekonde okpon mme andifik enye.

“Buoțidem Nyuñ Nam Item”

Nditọ Israel ema enyene idorenyin ete ubohọ mmimọ eyesop edi, edi ke ini enamde mbiomo mmq ototim odobi, mmq etonọ ndikere mme Abasi ke osuk ada ye mmimọ kakpan. Moses ke idemesie ama ekere ntak ekpedide ntre. Nte emi ekedi usuñ emi Abasi edinamde enwoñọ Esie osu?

Abasi oyom ikot Esie ebuotidem ye Enye. Ndusuk ini, ke ini owo odonde, onyūñ obonde akam ete Abasi okok imọ, utu ke idem esie ososon, akabare odiok akan. Idighe ini ndiduok mbuotidem esie ke Abasi edi oro, edi ana enye ototim ebere son akan ke Obon, emi okodohode ete, “Ami Jehovah nnam udon okure fi” (Exodus 15:26). Ndusuk ini, imesikop ikọ emi, nte ke, “Ekim esikpon akan ke ekperede usiere.” Ndusuk ini imesikere nte ñkpọ ekpekimde ndien, kpa ye oro, mme idomo eke ekpode ekan edi! Edi Abasi ama onwoñọ ete ke mfon Imọ ekem ye nnyin. Enye oyom ikot Esie eberidem mmq ke Enye, enyūñ ebet Enye anam uduak Esie.

Ndusuk ini, Abasi ekeme ndiyak ukut esim nnyin, mme idighe ntre, Enye odomo mbuotidem nnyin ke mme usuñ enwen, tutu osim idahaemi nnyin mikemeke ndinam baba ñkpọ ndomo kiet nnyaña idem nnyin. Ndien ke ini Abasi anyanade nnyin osio, baba owo kiet inyeneke ubon oro ke mibohoke Abasi.

Sia Abasi mikodonke ufak ke akpa ifet emi Moses ye Aaron ekebeñede, ikoworoke ite ke Enye idinamke enwoñọ Esie osu. Ikọ Abasi itreke ndisu. Nnyin iyekut ke mme ukpep-ñkpọ iso, ite, ke ini Abasi ama ekekem, Enye ama osiono ikot Esie ke okposon ubok, kpa nte Moses ekesiwakde nditi nditọ Israel ke ini ke ini, nte ewetde ke Deuteronomy 5:15): “Nyuñ ti nte afo ekedide ofin ke ison Egypt, ndien Jehovah Abasi akada okposon ubok ye edimenere ubok osio fi ke esit.” Ke mme isua ikie ifañ ema ekebe, ke ini nditọ Israel ekefiakde edu ke ufin, ini emi ke ubok nditọ Babylon, Daniel ama eti akwa ufak emi, onyūñ obon akam ntem: “O Obon Abasi nnyin, emi akadade okposon ubok osio ikot fo ke ison Egypt efep. . .” (Daniel 9:15).

Akpana nnyin ida ukpep-ñkpọ mi, ite ke baba ñkpọ kiet isonke ikan Obon, ndien ke nnyin iyeke ke utibe usuñ edieke nnyin ibuotde idem ke Ifiok Esie. “Bet Jehovah: son idem, ndien enye eyeson fi esit: tim bet Jehovah” (Psalm 27:14).

MME MBUME

- 1 Nso ikedi iborọ emi Pharaoh ọkọnọde Moses ye Aaron ke abañā ebeñe ediyak nditọ Israel enyọñọ?
- 2 Didie ke ekenam mbiomo nditọ Israel ototim odobi?
- 3 Nte emekere ete ke Abasi ama okut ufik ikọt Esie?
- 4 Nte Abasi ọñwọñọ ndisiak “usuñ ubọhọ” ke ini idomo osimde nnyin?
- 5 Nte emekere ete Moses ama ọduọk idorenyin ke ini enye ọkọbọñde akam abañā nditọ Israel?